



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-19-25224/25
Sarajevo, 14.05.2025. godine

Na osnovu člana 36. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 31/22, 8/24 i 13/25), član 4. stav 3. i člana 22. stav 1. Uredbe o načinu i uvjetima rješavanja stambenih potreba branilaca Bosne i Hercegovine („Službene novine Kantona Sarajevo“, broj 43/22 i 8/24), a u skladu sa tačkom 16. Javnog oglasa za podnošenje zahtjeva za ostvarivanje dopunskih prava porodica šehida i poginulih boraca, ratnih vojnih invalida i demobiliziranih branilaca u Kantonu Sarajevo za 2025. godinu, broj 06-37-12645/25 objavljenog u listu „Dnevni avaz“ dana 18.04.2025. godine, Ministarstvo za boračka pitanja Kantona Sarajevo, **objavljuje**

JAVNI POZIV

ZA PODNOŠENJE ZAHTJEVA ZA DODJELU SREDSTAVA ZA RJEŠAVANJE STAMBENIH POTREBA DOBITNICIMA RATNIH PRIZNANJA I ODLIKOVANJA I ČLANOVIMA PORODICA POGINULIH, UMRLIH I NESTALIH DOBITNIKA RATNIH PRIZNANJA I ODLIKOVANJA U KANTONU SARAJEVO

Predmet Javnog poziva je odobravanje jednokratne bespovratne dodjele sredstava za rješavanje stambenih potreba za dobitnike ratnih priznanja i odlikovanja i članova njihovih porodica Kantona Sarajevo (u daljnjem tekstu nosioci priznanja) iz sredstava Ministarstva za boračka pitanja Kantona Sarajevo planiranih Budžetom za 2025. godinu.

Na ovaj Javni poziv zahtjeve mogu podnositi nosioci priznanja sa područja Kantona Sarajevo koji ispunjavaju uslove propisane Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 31/22, 8/24 i 13/25), član 4. stav 3. i člana 22. stav 1. Uredbe o načinu i uvjetima rješavanja stambenih potreba branilaca Bosne i Hercegovine („Službene novine Kantona Sarajevo“, broj 43/22 i 8/24) (u daljnjem tekstu: Uredbe).

1. KORISNICI PRAVA I OBLIK OSTVARIVANJA PRAVA

Pravo na jednokratnu bespovratnu dodjelu sredstava za rješavanje stambenih potreba ostvaruju lica iz člana 2. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj 70/05, 61/06, 9/10 i 90/17) i to dobitnici: Značka „Zlatni ljiljan“, „Orden slobode“, „Orden heroja oslobođilačkog rata“, „Orden oslobođenja“, „Orden zlatnog grba sa mačevima“, „Orden zlatnog ljiljana sa zlatnim vjencem“, „Orden zlatnog ljiljana sa srebrenim vjencem“, „Medalja za hrabrost“, „Medalja pobjede“, „Medalja otpora“, „Medalja za vojne zasluge“, „Policijaska medalja za hrabrost“, „Zlatna policijska značka-zvijezda“, „Srebrena policijska zvijezda“, „Srebreni štit“, „Red hrvatskog trojstva“, „Red bana Jelačića“, „Red Nikole Šubića Zrinjskog“, „Red kneza Domagoja s ogrlicom“ i „Red hrvatskog pletera“.

Nosiocima priznanja i članovima njihovih porodica mogu se dodjeliti sredstva za rješavanje stambenih potreba prilikom ostvarivanja prava na udruživanje sredstava za kupovinu stana. Dobitnici ratnih priznanja i

odlikovanja i članovi njihovih porodica mogu ostvariti pravi na dodjelu sredstava i putem sanacije, rekonstrukcije, adaptacije ili dogradnje stambene jedinice, preuređenje krovišta i potkrovlja u stambeni prostor i slično u cilju trajnog rješavanja stambenog pitanja. Ukoliko su dobitnici ratnih priznanja i odlikovanja i članovi njihovih porodica ostvarili navedena prava, ali u manjem obimu od zakonskog maksimuma, u slučaju ponovnog podnošenja zahtjeva za dodjelu sredstava, može im se dodjeliti iznos do najvećeg iznosa dodjele pomoći ukoliko postoji opravdana potreba.

Planirana sredstva Budžetom Kantona Sarajevo za 2025. godinu namijenjena za realizaciju ovog prava iznose 100.000,00 KM (stotinuhiljadakonvertibilnihmaraka).

2.USLOVI ZA OSTVARIVANJE PRAVA

Pravo na odobravanje jednokratne bespovratne dodjele sredstava za rješavanje stambenih potreba imaju nosioci priznanja:

- a) pod uslovom da imaju prijavljeno prebivalište, odnosno boravište na području Kantona Sarajevo najmanje 10 godina neprekidno do dana objave javnog poziva za ostvarivanje ovog prava;
- b) ako već ranije nisu riješili stambeno pitanje ili ostvarili pravo na donaciju putem ovog Ministarstva, humanitarnih organizacija ili državnih institucija u dovoljnom iznosu;
- c) ako su u propisanom roku ovog Javnog poziva predali potpunu dokumentaciju.

3.KRITERIJI ZA BODOVANJE PODNEŠENIH ZAHTJEVA

- | | |
|--|-----------------|
| 1) stambeno pitanje nije riješeno | 80 bodova |
| 2) a) ostali načini rješavanja stambenog pitanja iz člana 4. stav 2. Uredbe | 40 bodova |
| b) broj članova porodičnog domaćinstva – za svakog člana porodičnog domaćinstva podnosioca zahtjeva po | 10 bodova |
| d) učešće u Oružanim snagama RBiH, | |
| 1) učešće od 18.09.1991 - 05.04.1992.g. za jedan mjesec | bodova 8 bodova |
| 2) učešće od 06.04.1992 - 15.04.1992.g. za jedan mjesec..... | 6 bodova |
| 3) učešće od 16.04.1992 - 20.06.1992.g. za jedan mjesec..... | 5 bodova |
| 4) učešće od 20.06.1992 - 23.12.1995.g. za jedan mjesec..... | 3 boda |
| 5) učešće od 01.01.1996 - 22.04.1996.g. za jedan mjesec..... | 1 bod. |

Bodovi za učešće u OS pripadaju podnosiocu zahtjeva za svaki naznačeni period i međusobno se zbrajaju.

- e) nosioci najviših ratnih priznanja 40 bodova,

f) starješine Armije RBiH – komandna mjesta:

- 1) general.....40 bodova,
- 2)brigadir.....35 bodova,
- 3)pukovnik.....30 bodova,
- 4)major.....25 bodova,
- 5)kapetan.....20 bodova,
- 6)nadporučnik.....15 bodova,
- 7)poručnik.....10 bodova,
- 8)podoficiri.....5 bodova.

- g) Hronološki red podnijetih zahtjeva - za svaku godinu čekanja.....40 bodova.



- (2) Ukupan broj bodova ostvaren po svakoj tački ovog člana međusobno se zbraja.
- (3) Za ratne vojne invalide koji su otpušteni iz OS RBiH po osnovu vojne nesposobnosti koja je posljedica ranjavanja ili povređivanja i šehide-poginule borce, učešće u OS RBiH boduje se za čitav period od momenta stupanja u OS RBiH pa sve do završetka oružane agresije na Bosnu i Hercegovinu (23.12.1995.godine).

B – POSEBNI KRITERIJI

- (1) a) Broj poginulih šehida, poginulih, umrlih i nestalih branioca članova porodičnog domaćinstva:
- | | | |
|--|----|---------|
| 1) Porodica šehida, poginulih umrlih i nestalih branioca sa dva i više poginulih i roditelji koji su izgubili jedino dijete..... | 70 | bodova, |
| 2) Porodica šehida, poginulih, umrlih i nestalih branioca sa jednim poginulim..... | 50 | bodova, |
| 3) Roditelji šehida sa jednim poginulim..... | 30 | bodova. |
- b) Procenat oštećenja organizma
- | | | |
|--|----|---------|
| 1) RVI sa procentom tjelesnog oštećenja 100% I i II grupe..... | 50 | bodova |
| 2) RVI sa procentom tjelesnog oštećenja 90% III grupe..... | 45 | bodova |
| 3) RVI sa procentom tjelesnog oštećenja 80% IV grupe..... | 40 | bodova |
| 4) RVI sa procentom tjelesnog oštećenja 70% V grupe..... | 35 | bodova |
| 5) RVI sa procentom tjelesnog oštećenja 60% VI grupe..... | 30 | bodova, |
| 6) RVI sa procentom tjelesnog oštećenja 50% VII grupe..... | 25 | bodova, |
| 7) RVI sa procentom tjelesnog oštećenja 40% VIII grupe..... | 20 | bodova, |
| 8) RVI sa procentom tjelesnog oštećenja 30% IX grupe..... | 15 | bodova, |
| 9) RVI sa procentom tjelesnog oštećenja 20% X grupe..... | 10 | bodova. |
- c) Borci – branitelji BiH..... 8 bodova.
- (2) Podnosiocu zahtjeva pripadaju bodovi samo po osnovu jedne tačke ovog člana, koja je za njega povoljnija.

C – DOPUNSKI KRITERIJI

- 1) a) Teška bolest podnosioca zahtjeva ili člana porodičnog domaćinstva
Pod teškim bolestima smatraju se:
- 1) akutna tuberkuloza;
 - 2) maligna oboljenja;
 - 3) endemska nefropatija;
 - 4) stanje poslije hirurškog zahvata srca;
 - 5) sva degenerativna oboljenja centralnog nervnog sistema;
 - 6) infarkt (srčani, moždani);
 - 7) oboljenje mišićnog sistema i paralize.
- Sve ove bolesti boduju se pojedinačno sa..... 5 bodova.
- b) Maloljetni pripadnici OS RBiH:
Licima koja su se uključila u OS RBiH u životnoj dobi kada nisu bili vojni obveznici..... 20 bodova.
- c) Branilački status člana porodičnog domaćinstva
Dodatni branilački status za svakog člana porodičnog domaćinstva.... 20 bodova.
- d) Materijalna situacija porodičnog domaćinstva podnosioca zahtjeva:

- | | |
|--|------------|
| 1) ukupna primanja domaćinstva preko dvije prosječne netto place ostvarene u Kantonu u predhodnoj kalendarskoj godini..... | 0 bodova, |
| 2) ukupna primanja domaćinstva od jedne i po do dvije prosječne plaće..... | 5 bodova, |
| 3) ukupna primanja domaćinstva od jedne do jedne i po prosječne plaće..... | 10 bodova, |
| 4) ukupna primanja domaćinstva do visine jedne prosječne plaće..... | 20 bodova. |

e) Status stanovanja

- | | |
|--|------------|
| 1)Stanuje u alternativnom smještaju koji je dužan napustiti..... | 40 bodova, |
| 2)Stanuje kao podstanar..... | 30 bodova, |
| 3)Stanuje u vlastitoj stambenoj jedinici..... | 20 bodova, |
| 4)Stanuje kod roditelja..... | 10 bodova. |

(2) Ukupan broj bodova ostvaren po svakoj tački ovog člana međusobno se zbraja.

4.POTREBNA DOKUMENTACIJA

a) Osnovna dokumentacija koju prilaže podnosilac zahtjeva

1. Dokaz o pripadnosti boračkoj populaciji po odredbama člana 1. Zakona o dopunskim pravima boraca-branitelja Bosne i Hercegovine:

- za porodice šehida i porodice poginulog borca, umrlog, nestalog branioca-reviziono rješenje o priznavanju prava na porodičnu invalidninu i uvjerenje općinske službe za boračka pitanja da je i dalje korisnik prava na porodičnu invalidninu;

- za branioca, dobrovoljca i organizatora otpora, veterana - Uvjerenje od općinskog odjeljenja sektora za vojne evidencije Federalnog ministarstva za pitanje boraca i invalida odbrambeno-oslobodilačkog rata sa napomenom o postojanju ili nepostojanju okolnosti iz člana 36. Zakona o pravima branilaca i članova njihovih porodica (Obrazac FMB-3a),

-za ratnog vojnog invalida, mirnodopskog vojnog invalida - reviziono rješenje o priznavanju prava na ličnu invalidninu i uvjerenje općinske službe za boračka pitanja da je i dalje korisnik prava na ličnu invalidninu,

- za dobitnika ratnih priznanja i odlikovanja i člana porodica poginulih, umrlih i nestalih dobitnika ratnog priznanja i odlikovanja - rješenje o ostvarivanju novčane naknade za dobitnike ratnih priznanja – općinska služba za boračko-invalidsku zaštitu;

2. naredba o činovanju;

3. uvjerenje o državljanstvu za podnosioca zahtjeva;

4. kućna lista izjavljena od strane podnosioca zahtjeva (izdata od općine-služba za opću upravu);

5. rodni listovi-trajni za podnosioca zahtjeva i sve njegove članove porodičnog domaćinstva;

6. uvjerenje o kretanju za podnosioca zahtjeva izdato od PU (policajska uprava gdje podnosilac zahtjeva ima prebivalište, odnosno boravište) koje mora obuhvatiti period od prethodnih 10 godina;

7. dokaz o ukupnim primanjima domaćinstva podnosioca zahtjeva i punoljetnih članova porodičnog domaćinstva (potvrda o primanjima od poslodavca, ček od penzije iz radnog odnosa ili porodična penzija, odnosno primanja po osnovu lične i porodične invalidnine i dr.);

8.izjava ovjerena od općinske službe za ovjeru ako su podnosilac zahtjeva i članovi domaćinstva evidentirani kod Službe za zapošljavanje Kantona Sarajevo;

9.izjava ovjerena od općinske službe za ovjeru o statusu stanovanja podnosioca zahtjeva:

- a) stanuje u alternativnom smještaju koji je dužan napustiti,
- b) stanuje kao podstanar,



c) stanuje u vlastitoj neuslovnoj stambenoj jedinici,

d) stanuje kod roditelja.

10.a) kada je u pitanju izgradnja stambene jedinice i kupovina nove stambene jedinice:

Izjava ovjerena od općinske službe za ovjeru da podnosilac zahtjeva kao i njegovi članovi porodičnog domaćinstva nisu vlasnici ili posjednici bilo koje stambene jedinice u Kantonu Sarajevo i na ostalim područjima Bosne i Hercegovine niti su podnijeli zahtjev za upis vlasništva na bilo kojoj stambenoj jedinici u Kantonu Sarajevo i na ostalim područjima Bosne i Hercegovine,

b) kada je u pitanju sanacija, rekonstrukcija, adaptacija, preuređenje krovišta i potkrovlja u stambeni prostor, pretvaranje zajedničkih prostorija u stambeni prostor ili dogradnja stambene jedinice:

11. Izjava ovjerena od općinske službe za ovjeru da podnosilac zahtjeva kao i njegovi članovi porodičnog domaćinstva nemaju drugu stambenu jedinicu u vlasništvu ili posjedu niti su podnijeli zahtjev za upis vlasništva na bilo kojoj stambenoj jedinici u Kantonu Sarajevo te na ostalim područjima Bosne i Hercegovine izuzev one koja je predmet ostvarivanja ovog prava.

12. izjava podnosioca zahtjeva da nije dobio donaciju od bilo koga i u bilo kojem iznosu, odnosno izjava za ona lica koja su dobila donaciju tačan iznos odobrene donacije te navesti instituciju od koje je dobio donaciju (izjava od strane podnosioca zahtjeva ovjerena od općinske službe za ovjeru);

13. izjava da nije/jeste bio u statusu raseljenog lica (izjava od strane podnosioca zahtjeva ovjerena od općinske službe za ovjeru).

14. izjava ovjerena od općinske službe za ovjeru da podnosilac zahtjeva i članovi njegovog porodičnog domaćinstva nemaju / imaju dug po osnovu javnih prihoda te da podnosilac zahtjeva i njegovi punoljetni članovi domaćinstva koji su evidentirani kao porezni obveznici (vlasnici, osnivači/odgovorne osobe), imaju/nemaju duga po osnovu javnih prihoda .

b) Dodatna dokumentacija koju po potrebi dostavlja podnosilac zahtjeva

1. dokaz o dodatnom boračkom statusu jednog ili više članova porodičnog domaćinstva (Uvjerenje od općinskog odjeljenja sektora Federalnog ministarstva za pitanje boraca i invalida odbrambeno-oslobodilačkog rata za pitanje evidencije iz oblasti vojne obaveze po mjestu boravka-prebivališta – Obrazac FMB-3a);

2. ljekarski nalaz o teškoj bolesti podnosioca zahtjeva ili člana porodičnog domaćinstva.

c) Dodatna dokumentacija vezana za način rješavanja stambenog pitanja

1) Ukoliko podnosilac zahtjeva traži udruživanje sredstava za kupovinu stambenog objekta treba priložiti:

Ugovor o kupoprodaji stambene jedinice na ime lica koje traži odobravanje **udruživanje sredstava za kupovinu stambenog objekta, ovjeren od notara ili suda ukoliko isti već posjeduju** ili izjava ovjerena od strane notara ili općine prebivališta da podnosilac zahtjeva ima namjeru kupovine stambene jedinice radi rješavanja stambenog pitanja te da će ukoliko istu udruživanje sredstava za kupovinu stambenog objekta dobije prije realizacije navadenog, sklopiti ugovor o kupovini stambene jedinice i pomenuti ugovor ovjeriti kod nadležnog notara.

2) Ukoliko podnosilac zahtjeva traži sredstava za novu izgradnju, sanaciju, rekonstrukciju, dogradnju stambene jedinice, preuređenje krovišta i potkrovlja u stambeni prostor, te pretvaranje zajedničkih prostorija u stambeni prostor, potrebno je priložiti:

- dokaz iz zemljišno knjižnog ureda ili knjige položenih ugovora o vlasništvu stambenog objekta ili stana ili dozvolu za građenje,

- nalaz sudskog vještaka ili ovlaštene projektantske kuće za procjenu potrebnih radova za stambene objekte, radi utvrđivanja namjenskog trošenja sredstava ili izjava podnosioca zahtjeva da će prije realizacije odobrene jednokratna bespovratna dodjela sredstava za rješavanje stambenog pitanja dostaviti nalaz sudskog vještaka ili ovlaštene projektantske kuće za procjenu potrebnih radova za stambene objekte.

3) Ukoliko podnosilac zahtjeva traži sredstva za stambenu jedinicu u suvlasništvu koja ima odobrenje za građenje ili ZK izvodak sa upisanim stambenim objektom u suvlasništvu – suglasnost svih suvlasnika za građevinske intervencije na stambenoj jedinici.



4) Ukoliko podnosilac zahtjeva traži sredstva za legalizovane stambene objekte potrebno je priložiti odobrenje za upotrebu (legalizacija) izdatu od nadležne općinske službe.

5) Ukoliko podnosilac zahtjeva traži sredstva za stambene jedinice u suvlasništvu potrebno je priložiti građevinsku dozvolu za izgradnju ili odobrenje za upotrebu (legalizacija) izdatu od nadležne općinske službe i saglasnost svih suvlasnika za građevinske intervencije na stambenoj jedinici.

6) Ukoliko podnosilac zahtjeva traži sredstva za dogradnju individualne stambene jedinice u vlasništvu, za potrebe rješavanja stambenog pitanja branilaca BiH koji je član porodičnog domaćinstva - građevinska dozvola za dogradnju i saglasnost svih suvlasnika za građevinske intervencije na stambenoj jedinici.

d) Dokumentacija koju će Ministarstvo obezbijediti službenim putem

1. dokaz nadležnog organa da podnosilac zahtjeva kao i njegovi članovi porodičnog domaćinstva sa kućne liste jesu-nisu podnijeli zahtjev za legalizaciju stambenog objekta (nadležna općinska služba za urbanizam sa svih općina Kantona Sarajevo-9 općina);
2. dokaz da podnosilac zahtjeva nije vlasnik niti suvlasnik uslovne stambene jedinice na području Kantona Sarajevo, kao ni njegovi članovi porodičnog domaćinstva sa kućne liste (uvjerenje Zemljišno-knjižnog ureda-grunt i KPU sa suda);
3. dokaz iz katastra da podnosilac zahtjeva kao i svi članovi porodičnog domaćinstva sa kućne liste imaju, odnosno nemaju imovine evidentirane u katastru (nadležna općinska služba za katastar sa svih općina Kantona Sarajevo-9 općina);
4. potvrda Kantonalnog stambenog fonda za sve članove domaćinstva sa kućne liste da li su evidentirani kao nosioci stanarskog prava (korisnici) na nekom od stanova u Kantonu Sarajevo;
5. potvrda Službe za zajedničke poslove organa i tijela Federacije BiH za sve članove domaćinstva sa kućne liste da li su evidentirani kao nosioci stanarskog prava (korisnici) na nekom od vojnih stanova u Kantonu Sarajevo;
6. potvrda ili uvjerenje od Ministarstva za rad, socijalnu politiku, raseljena lica i izbjeglice KS za lica koja su prijavila prebivalište-boravište u Kantonu Sarajevo od 30.04.1991.godine da jeste ili nije bio registrovan ni reregistrovan kao raseljeno lice.
7. dokaz od Službe za zapošljavanje Kantona Sarajevo ukoliko je podnosilac zahtjeva nezaposlen i za nezaposlene članove domaćinstva.
8. dokaz od Porezne uprave Kantona Sarajevo ukoliko podnosilac zahtjeva ima odnosno nema porezni dug i za članove porodičnog domaćinstva da li imaju ili nemaju porezni dug, te ostale provjere po potrebi.

Ukoliko Ministarstvo pri provjerama koje čini po službenoj dužnosti ustanovi da je podnosilac zahtjeva dao netačne podatke, zahtjev istog će biti odbijen.

5. LICA KOJA NE MOGU OSTVARITI PRAVO

1.Lica koja su ostvarila pravo na dodjelu stana u vlasništvo i lica koja su koristila sredstva u vidu jednokratne dugoročne bespovratne novčane pozajmice za rješavanje stambenih potreba i u vidu jednokratne bespovratne dodjele sredstava za rješavanje stambenih potreba i drugih vidova pomoći u rješavanju stambenog pitanja u dovoljnom iznosu.

2.Lica koja imaju u vlasništvu jedan ili više poslovnih prostora, izuzev poslovnog prostora u kojem obavlja djelatnost iz koje obezbjeđuje uslove za egzistenciju svojoj porodici

2.Pripadnici boračkih populacija koji nisu imali prebivalište – boravište na području Kantona Sarajevo najmanje 10 godina neprekidno do 01.01. one godine u kojoj se predaje zahtjev za ostvarivanje ovoga prava. Pojam neprekidno prebivalište, odnosno boravište na području Kantona podrazumjeva i prekid u boravištu/prebivalištu, ne duže od tri mjeseca u toku jedne kalendarske godine, ukoliko se isti odnosi na prijavu u mjestu prijeratnog prebivališta.

3.Lica kojima su dodjeljene novčane pozajmice za otvaranje radnih mjesta i novčane pozajmice za rješavanje stambenih potreba, a nisu uredno izvršili povrat dodjeljenih sredstava ili ne izvršavaju redovno preuzete

obaveze vraćanja dodjeljenih sredstava, do izmirenja svojih obaveza po ovom osnovu ne mogu ostvariti ova prava.

4. Pravo na jednokratnu bespovratnu dodjelu sredstava za rješavanje stambenih potreba ne mogu ostvariti lica koja imaju ili su imala status raseljenog lica, a koja imaju riješeno stambeno pitanje na području Bosne i Hercegovine, odnosno ona lica koja su ostvarila povrat stambene jedinice u entitetu Republika Srpska i da su istu prodala ili na drugi način otuđila

5. Pripadnici boračkih populacija kod kojih postoje razlozi navedeni u članu 36. Zakona o pravima branilaca i članovima njihovih porodica („Sl. novine FBiH“ broj. 33/04, 52/5, 70/07, 9/10, 90/17, 29/22 i 60/24);

6. Pripadnici boračke populacije kao i članovi njihovog porodičnog domaćinstva ako su već ranije podnosili zahtjev za rješavanje stambenog pitanja i isti odbijeni iz razloga uslovnosti stambenog objekta cijenjenog od Komisije za procjenu oštećenja individualnih stambenih jedinica a u skladu sa Pravilnika o minimumu stambenih uslova za sanaciju i izgradnju stambenih objekata („Službeni glasnik BiH“, broj 93/06);

8. Pripadnici boračke populacije koji su podnijeli zahtjeve sa nepotpunom dokumentacijom ;

9. Pripadnici boračke populacije koji nisu podnijeli zahtjeve u propisanom roku ovog Javnog poziva;

10. Podnosioci zahtjeva za koje Ministarstvo za boračka pitanja Kantona Sarajevo provjerom ustanovi da su dali netačne podatke.

11. Pripadnici boračke populacije kao i članovi njihovog porodičnog domaćinstva ako imaju dug po osnovu javnih prihoda ili ako imaju dug po osnovu javnih prihoda a evidentirani su kao poreski obveznici (vlasnici, osnivači/ odgovorne osobe).

6. ROKOVI PODNOŠENJA ZAHTJEVA

Prijem zahtjeva Ministarstvo za boračka pitanja Kantona Sarajevo će vršiti 15 (petnaest) dana od dana objavljivanja Javnog poziva.

7. MJESTO PODNOŠENJA ZAHTJEVA

Za priznavanje i ostvarivanje navedenog prava zahtjevi na propisanom obrascu (šalter sala Kantona Sarajevo ili web stranica Ministarstva za boračka pitanja Kantona Sarajevo www.mbp.ks.gov.ba) sa potrebnom dokumentacijom podnose se na sljedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo isključivo preporučeno putem pošte sa naznakom na koverti „ZA RJEŠAVANJE STAMBENIH POTREBA DOBITNICIMA RATNIH PRIZNANJA I ODLIKOVANJA I ČLANOVIMA PORODICA POGINULIH, UMRLIH I NESTALIH DOBITNIKA RATNIH PRIZNANJA I ODLIKOVANJA U KANTONU SARAJEVO“ ili putem protokola Kantona Sarajevo u šalter Sali Kantona Sarajevo.

Informacije vezano za predmet Javnog poziva, mogu se dobiti na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon: direktni 033/562-273.

NEPOTPUNE I NEBLAGOVREMENE PRIJAVE NEĆE SE UZIMATI U RAZMATRANJE.

8. OBRADA ZAHTJEVA

Nakon završene obrade zahtjeva i formiranja bodovne liste, Ministarstvo za boračka pitanja Kantona Sarajevo objavit će Obavještenje u sredstvima javnog informisanja i web stranici Ministarstva za boračka pitanja Kantona Sarajevo (www.mbp.ks.gov.ba) da će rezultati biti dostupni na web stranici Ministarstva za boračka pitanja Kantona Sarajevo putem telefon ifo-punkta Ministarstva za boračka pitanja Kantona Sarajevo (033/562-273).

NAPOMENA:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

- Obavezno predavati fotokopije dokumenata koje moraju biti ovjerene ili original dokumenta, ne starijih od 6 mjeseci uključujući i medicinsku dokumentaciju.
- Predata dokumentacija se neće vraćati podnosiocima zahtjeva.
- Nepotpuni i neblagovremeni zahtjevi se neće uzeti u razmatranje.



MINISTAR

Dr.sc. Omer Osmanović